



MOD.100-2/1/2 Jld 7 () 07/08

KEMENTERIAN PERTAHANAN MELAKSANAKAN
MESYUARAT MALAYSIA-TURKIYE POLICY TALK PERTAMA DI ANKARA

1. **TURKIYE, 26 Ogos 2026** – Kementerian Pertahanan yang diwakili oleh Timbalan Ketua Setiausaha (Dasar) Kementerian Pertahanan Malaysia, Datuk Yani Daud bersama delegasi telah melaksanakan **Mesyuarat Malaysia-Turkiye Policy Talk di Ibu Pejabat Kementerian Pertahanan Nasional (Ministry of National Defence, MoND), Ankara pada 24 Ogos 2026**, baru-baru ini.
2. Semasa berlangsung, Ketua Pengarah Keselamatan dan Pertahanan, MoND Turkiye, Leftenan Jeneral Ilkay Altindag telah mempengerusikan pertemuan penting yang pertama kalinya diadakan dan dihadiri oleh delegasi Kementerian Pertahanan Malaysia bagi memperkukuhkan lagi kerjasama pertahanan dua hala dalam aspek pertahanan bagi kedua-dua negara.
3. Selain itu, Policy Talk ini juga menumpukan kepada agenda-agenda berkaitan dasar dan strategi pertahanan, isu keselamatan geopolitik, perkongsian pandangan dan pertukaran maklumat serta menjalinkan jaringan kerjasama melibatkan pertahanan negara. Kedua-dua pihak turut membincangkan kepentingan memelihara kestabilan dan keamanan serantau.
4. Malaysia turut menzahirkan penghargaan peranan penting yang dimainkan oleh Türkiye dalam mengekalkan keamanan di rantau Asia Barat menerusi pemeteraian perjanjian Pakatan Mekah baru-baru ini. Kedua-dua pihak turut bersetuju untuk mewujudkan Terma Rujukan (TOR) bagi Policy Talk ini, di mana kedua-dua pihak akan mengoptimumkan platform ini sebagai mekanisme bagi membincangkan instrumen kerjasama serta membincangkan potensi program kerjasama pertahanan pada masa hadapan.
5. Sebagai susulan, Malaysia secara rasmi menjemput pihak Türkiye untuk menghadiri Policy Talk Kali Kedua yang akan diadakan di Kuala Lumpur pada tahun hadapan. Pertemuan ini dijangka akan terus mempererat hubungan strategik dan persahabatan antara Malaysia dan Türkiye seperti yang ditekankan dalam Kajian Separuh Penggal Kertas Putih Pertahanan (KSP KPP).

-TAMAT-

“MALAYSIA MADANI”

“BERKHIDMAT UNTUK NEGARA”

“PERTAHANAN NEGARA, TANGGUNGJAWAB BERSAMA”

Kementerian Pertahanan Malaysia
Dikeluarkan pada 26 Ogos 2026